

s'il lance ou darde fur luy son espee, la beste tombe roide mort: l'ouurant il trouue par fois du poil ou quelque pierre dans son corps, il le prend & le gardent soigneusement pour estre heureux à rencontrer & tuer force animaux.

[160] De plus il adiouffoit que les Demons leur enseignoyent à faire des vnguens de crapaux & de serpens pour faire mourir ceux qu'ils ont en hayne. S'il dit vray, il n'y a point de doute qu'ils n'ayent communication avec le Diable. Je croy que de ceste superstition ou refuerie est prouenuë vne coustume qu'ont les Sauvages d'auoir vn fac si particulier pour eux, que pas vn autre n'oferoit regarder dedans, ils s'en offenseroyent peut-estre iufques à s'entretuer. Ils ne veulent pas qu'on voye ceste pierre ou chose femblable s'ils en ont: & l'vn d'eux me dit vn iour, en ce point tu cognoistras si vn Sauvage veut croire veritablement en Dieu, s'il te donne ceste pierre s'il en a quelqu'vne.

Makheabichtichiou m'a raconté qu'estant encor jeune garçon & chassant tout feul dans les bois, il vit venir à foy vn Genie du iour: il estoit vestu & paré comme vn Hiroquois, il estoit porté par l'air: Je m'arrestay, difoit-il, tout remply de peur: il s'arresta aussi vn peu loing de moy, toute la terre à l'entour de luy sembloit trembler: il me dit que ie ne craignisse point, que ie ne mourrois pas si tost, mais qu'il n'en feroit pas de mesme de mes gens. En fin, ie le vy enleuer [161] en l'air disparoiſſant de deuant mes yeux. Je retourne en la Cabanne tout espouuanté, ie raconte ce que i'auois veu à mes compatriotes: ils prirent cela à mauuais augure, & dirent que quelqu'vn d'eux feroit tué par leurs ennemis. Incontinent apres